



Op pad met Iwana...

Dit was 'n komma...

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Die plasing van teksadvertensies is gratis vir gemeentes. Advertensies met grafika beloop R350 per uitgawe. Klik asseblief [hier](#) vir meer inligting en voorwaardes.

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Waar in die huis sal jy na 'n mop begin soek? Die meeste van ons bêre dit in die kombuis- of gangkas. Maar ek kan myself net indink hoe deurmekaar dr Hein Delport se ma moes gewees het toe sy dit om elke hoek en draai gesoek het en dit nêrens kon vind nie. Ek kan net wonder watter gedagtes by haar opgekom het toe sy sien die mop het 'n nuwe rol aangeneem? Die mop het nou klasse en eredienste bygewoon! Dr Delport se jonger suster het haar droom om 'n onderwyseres te word, uitgeleef deur vir die mop klas aan te bied en daarna moes die mop sommer ook na sy prediking luister.



Dr André Ungerer en Hein Delport

Dit is hierdie roeping wat gekoester is deur mentors soos ds Eksteen Botes, dr André Ungerer en prof Theuns Dreyer. Ds Botes het die gemeentepredikant in dr Delport aangemoedig en hom help vorm. As 'n finalejaarkatkinsant het ds Botes met die aansoekvorm in sy hand vir dr Delport gevra: *Wil jy nog Teologie studeer?* Sy ander mentors het hom gevorm en aangemoedig vir die akademie. Dit blyk dat beide hierdie rigtings vrug dra in sy lewe. In 1997 het hy aan die Universiteit van Pretoria (UP) begin studeer. Daarna dien hy as predikant by Gemeentes Magaliesburg, Krugersdorp, Krugersdorp-Wes en uiteindelik vestig hy homself by Gemeente Swartkop waar hy vir die afgelope agt jaar werksaam is.

Dr Ungerer het hom in 2021 gevra om deel van die Hervormde Teologiese Kollege (HTK) te vorm en by te dra tot die veld van homiletiek – juis oor sy proefskrif wat die werk van prof Theuns Dreyer ondersoek het en die nuwe verwickelinge in die veld. Einde 2025 aanvaar hy die pos as hoof van die HTK ná dr Ungerer se aftrede. Hy erken dat hierdie mylpaal slegs moontlik is danksy die leiding wat hy van sy mentors ontvang het. Tans kyk hy terug op meer as 'n kwartaal se diens sedert sy aanstelling as hoof. Hy noem dat hy *skrikkerig opgewonde was* oor die verandering. In hierdie tydperk het hy verhoudings, netwerke en vennootskappe op sy eie unieke manier versterk en uitgebou. Hy dra prof Wim Dreyer en daarna dr André Ungerer se visie oor die uitbreiding van dosentegetalle by die HTK voort. Hy vertel dat, alhoewel hy steeds op sy senuwees is, die span waarmee hy omring is en die ryk tradisie waarin hy homself bevind hom ondersteun en rigting gee.

Maar daar is 'n ondersteuningstelsel wat dr Delport in al hierdie verskeie rolle ondersteun en ook aanmoedig. Dit is niemand anders as sy dogter nie. Volgens hom is sy dogter sy lewe. Hy verduidelik voorts dat sy werk as gemeentepredikant soos 'n komma is en nie 'n punt nie.

Die Kerk sien uit na die ontwikkeling en visie wat dr Delport na die HTK en na UP bring ná hierdie komma. Die Kerk en die studente vra saam deur hierdie leerproses opnuut vir dr Delport: *Wil jy nog Teologie studeer?*

Ds Iwana Kruger
(Pretoria-Oos en NHKA-joernalis)

Lief en leed

- **Die volgende predikante verjaar tot 8 Mei. Die Kerk wens u 'n geseënde lewensjaar toe.**
 - Vrydag 1 Mei: Ds NM (Nick) Alberts (emeritus)
 - Saterdag 2 Mei: Ds HJ (Henk) Labuschagne (Silverton)
 - Maandag 4 Mei: Ds PJ (Pierre) Roets (Springs-Oos)
 - Dinsdag 5 Mei: Drr JP (Johan) Bester (Randfontein Midpark),
H (Hein) Delport (HTK/Swartkop), en
EB (Ernest) Marran (emeritus)

Gemeentes en bediening

- **Dr JR (Robert) van Niekerk** (dosent) het 'n beroep na **Wonderboompoort** ontvang. Hy het die **beroep aanvaar**. Sy **bevestiging** by die gemeente vind op **3 Mei** plaas.
- Die Kommissie van die AKV verleen op **31 Mei 2026** emeritaat aan **dr GC Lindeque**. Die oorhandiging van die akte van emeritaat vind DV tydens 'n dankdiens op **Sondag 10 Mei 2026** om 11:00 by **Gemeente Swartkop** plaas. Lidmate en kollegas is welkom om die geleentheid by te woon. Laat weet asb **teen 30 April** indien u beplan om die geleentheid by te woon deur 'n boodskap na 082 374 8703 te stuur.



Dr Robert van
Niekerk

Werkgeleentheid

- **Werkruimte vir deelsorgbediening: Gemeente Wonderboompoort**

Gemeente Wonderboompoort is geleë in Eloffsdal, Pretoria, en beskik oor 'n vakante deelsorgbedieningposisie wat nie aan 'n ouderdomsprofiel gekoppel is nie. Aansoeke word ingewag van gelegitimeerde predikante en proponente van die Nederduitsch Hervormde Kerk van Afrika (NHKA).

Die gemeente het 148 belydende lidmate en 12 dooplidmate. Die meerderheid van die lidmate is tussen die ouderdomme van 59 tot 94 jaar.

- **Vereiste**

Ons is op soek na 'n dinamiese en roepinggedrewe persoon wat met 'n passie in 'n gemeente wil dien. Die gemeente is toegewyd aan die erediens en die verkondiging van die woord van God. Die posisie is ideaal vir iemand wat 'n lewende verhouding met Jesus Christus en 'n liefde vir mense het. Bybelse waarhede en gemeenskapsbetrokkenheid in ooreenstemming met ons geloofsbeginsels is 'n vereiste.

Verantwoordelikhede sluit in bedieningswerk soos uiteengesit in die Kerkorde van die NHKA (preekbeurte en eredienste), pastorale sorg en besoeke soos benodig, deelname aan gemeenteaktiwiteite en strategiese beplanning. Eie vervoer is belangrik.

- **Kerkgebou en pastorie**

Gemeente Wonderboompoort beskik oor 'n kerkgebou en saal en is geleë te Mansfieldlaan 624, Eloffsdal, Pretoria. Daar is nie 'n pastorie beskikbaar nie. Die SP Engelbrecht-museum is op die perseel geleë.

- **Vergoeding**

Die gemeente kan die predikant vergoed met 'n totale pakket van R480 000.00 per jaar (onderhandelbaar) plus 'n jaarlikse vakansietoelae van R40 000.00. Ingesluit is behuising- en voertuigtoelae asook 'n datapakket.

- **Leraarsprofiel**

Die Hervormde identiteit en etos is vir die gemeente belangrik. Die Etiese Kode van die Kerk moet streng nagevolg word. Teologiese opleiding en ondervinding in gemeentebediening geniet voorkeur.

○ **Aansoeke**

Sou u belangstel, stuur u CV (met VBO-krediete), 'n kort geloofsgetuenis en verwysings na die SGB-verteenwoordiger en -fasiliteerder, dr Hannes Janse van Rensburg (hannessgb@nhk.co.za). **Aansoeke sluit 1 Junie.** Diensaanvaarding sal wedersyds onderhandel word.

Die kerkraad behou die reg voor om 'n kortlys saam te stel vanuit die aansoeke wat ontvang is en is nie verplig om een van die aansoekers te beroep nie en het ook die keuse om 'n predikant van sy keuse te beroep. Aansoekers sal verwittig word wanneer die beroep uitgebring word.


Vergaderings

- Dinsdag 5 Mei Kuratorium
- Vrydag 8 Mei Moderamen

Kerklike en ander publikasies

Kom kyk saam

- Kom kyk saam na ons weeklikse Blitsflits. Hierdie episode is aangebied deur **Anushke Muller**. Klik [hier](#) vir verlede week se weergawe. Laat gerus vir ons kommentaar en deel u gedagtes oor die Blitsflits. Nuwe weergawes verskyn elke Vrydag en is beskikbaar op sosiale media en YouTube.



'n Gedig

Met my woorde as verfkwas

ek verf my dankies oor die duinesand
vir elke kriesel genade aan my verpand
al staan ek naak in die sonde-son en verbrand
bring ek aan my Skepper my nederige dank
met woorde uit my siel – sonder klank

tussen die spoelklippe van 'n magtige rivier
in maalkolke van die lewe vandag en hier
in die wonderlike oop natuur
kom ek my dankies verf in hierdie uur
met Hom spring ek oor elke versoekingsmuur

met slegs my woorde as verfkwas
wil ek lappies-genade kom las
om daagliks te voel en tas
toe ek nog totaal verlore was
het Hy my van sonde skoon gewas

Anze Bezuidenhout

www.roekeloos.co.za/gedigte/gedigte-van-anze-bezuidenhout/

Fondsinsamelings en Kerksake

- **Gemeente Potchefstroom** nooi almal uit na die **Noordwes Motorskou, Basaar en Antieke Veiling**. Dit vind op **Vrydag 1 Mei 2026** vanaf 09:00 tot 13:00 op die **Kerkplein** plaas. Daar gaan 'n groot verskeidenheid blink **veteraanmotors** wees asook 'n **veiling van antieke artikels** wat in die kerksaal gaan plaasvind. **Jakkie Louw** gaan ons gaskunstenaar wees. Dit is nie al nie – daar gaan ook 'n pragtige hondevertoning aangebied word. 'n Groot verskeidenheid basaarkos gaan te koop wees asook 'n gratis pretpark vir die kinders. Toegang vir volwassenes is R60, skoolgaande kinders is R30 en voorskoolse kinders is gratis. **Vir navrae kan die kerkkantoor gekontak word by 018 293 2672.**
- **Die Eendrachtkring** kuier weer saam: Emeriti, hul gades en weduwees van predikante word vriendelik uitgenooi na 'n byeenkoms van die Eendrachtkring op **7 Mei om 10:00** in die kerksaal van **Gemeente Wonderboompoort**. **Skakel voor 4 Mei met ds Kalla Fourie 072 278 1456** om u bywoning te bevestig.

HERVIE FEES
NEDERDUITSCH HERVORMDE KERK **LOSBERG**
SATERDAG, 9 MEI 2026
THE SWING & PUTTER
BEGIN 08:00 TOT 22:00

GASKUNSTENAARS

 Lianie May 19:00	 Jakkie Louw 17:30	 Jay 20:00
---	---	---

* **DAGKAARTJIES**

- R20 VOLWASSENES
- R5 KINDERS

* **DAG- EN AANDKAARTJIE:**

- R300 VOLWASSENES
- R150 KINDERS

MNR & MEV HERVIE (R50 INSKRYWINGSFOOI)
OUDERDOM 5 TOT 16 JAAR, INSKRYWINGS SLUIT 8 MEI 2026

- Die Kerkraad van **Gemeente Benoryn** (Benoni) nooi hiermee alle voormalige predikante, lidmate en belangstellendes hartlik uit om die gemeente se **85-jarige bestaansjaar** saam te vier. Die viering vind op **24 Mei 2026** plaas met 'n erediens om **09:00**. Na afloop van die erediens sal daar as gemeente saam geëet word. U word vriendelik uitgenooi om ook aan hierdie geleentheid deel te neem. **Vir verdere navrae of om u bywoning te bevestig**, kontak asseblief vir **Corné by 083 391 1368**.
- **Ons hoor graag van geleenthede by gemeentes.** Stuur asseblief die besonderhede van die fondsinsamelingfunksie, basaar of viering na: taal@nhk.co.za.

Toerusting

WERKSWINKEL – DISSIPELS MAAK DISSIPELS

OPLEIDING VAN OPLEIERS – Aangebied deur prof Malan Nel

13 tot 15 Mei

Dag 1: 14:00 tot 17:30

Dag 2: 08:30 tot 18:00

Dag 3: 08:30 tot 15:30

NG Oos-Kerk, oorkant Loftus

Werkswinkel is gratis!

Studiemateriaal vir u eie koste

15 VBO Krediete word toegeken

Bevestig by Clarika Hattingh clarikah@nhk.co.za voor of op 10 Mei.





- Dit **WHT se jaarlikse konferensie** vind op **28 en 29 Oktober 2026** te Gemeente Pretoria-Oos plaas. Die tema vir die kongres is: *Die ver-beelding en ver-woording van geloof in kuns, musiek, letterkunde en argitektuur.* **Stuur gerus 'n e-pos na antoejvr@gmail.com** indien u dalk sou belangstel om 'n akademiese bydrae tydens die kongres te lewer.

KUBER-KERMIS



NHKA GEMEENTE KUBERKERMIS + Aanlyn Verkope! + ONS GEMEENTE FEES GAAN VIRTUEEL!

25 - 31 OKTOBER 2024

KOEPSISTERS & GEBAK
Heerlike Tuisgebak! (Koeksisters R75/dosyn)

KONSERT KAARTJIES
Geniet 'n aand van Musiek! (Opvoerings)

KOMPETISIE KAARTJIES
Wen Groot Pryse! (Vliegkaartjies, Geskenkbewyse)

ALLES AANLYN BSKIKBAAR!
(Various Items)

WEGNEEMETES
Lekker Tradisionele Kos! (Net Vrydag)

KOOP NOU AANLYN BY: www.nhkakuberkerms.co.za

Op die DraMekaarSeLaste-Toepassing kan enige gemeente nou enige produkte aanlyn verkoop.

- Oprigtingskoste is gratis en jy kan vandag onmiddellik begin.
- Stuur eksterne skakels na gemeenskap
- Registreer as gemeente –admin/–predikant/–leier op www.dramekaarselaste.co.za
- > MY GEMEENTE > Kuberkermis
- Slegs 10% transaksiefooi

Navrae: deon7373@gmail.com

KI-KATS

Demonstrasievideo-KLIK



Die SGB Werkgroep vir Jeugbediening stel bekend:

KI-Kats

- 'n Nuwe innoverende aanlyn Hoërskool Kategese Sisteem
- 2 Kurrikulums met 410 lesse beskikbaar.
- 'n AI-Tutor sisteem
- 'n AI-verslag sisteem

Leerders kan prente genereer, videos van les-interaksies genereer, 'n gedig genereer en 'n liedjie genereer. Leerders klets met die AI-tutor, beantwoord vrae, leer Bybeltekste, en stel self vrae.

- 'n Globale punteleer vir alle leerders.
- Volledige dinamiese lesplanne vir alle mentors.

Toegang is slegs R100.

Probeer vandag die eerste les gratis.

<https://www.dramekaarselaste.co.za> > Meer > Vir Kinders > Geloofsonderrig H/S

Inligting: deon7373@gmail.com



AANLYN DOOPKATEGESE

Die aanlyn doopkategesekursus is nou beskikbaar op die DraMekaarSeLaste toepassing.

- Die kursus is ideaal vir doopouers om die sakrament en hul doopbelofte beter te verstaan.
- Predikante kan dit ook as aanvullend tot hul doopkategesegesprek gebruik.

Die kursus is beskikbaar teen R100 by:

<https://www.dramekaarselaste.co.za/>

> Meer > TOERUSTING > Geloofsgroei.

Jeug- en studentesake

Kom studeer Teologie by die HTK

Die Hervormde Teologiese Kollege (HTK) nooi jou uit om aansoek te doen om Teologie te studeer, waar jy saam met ander jong gelowiges jou roeping kan verken en ontwikkel, jou geloof kan verdiep, krities kan leer dink en voorberei kan word om met insig en integriteit diensbaar te wees aan die kerk en die wêreld.

Hoe om BETYDS aansoek te doen

1. Gebruik dié aansoekskakel:
https://youtu.be/tZH3ACaZkIM?si=v446fvhoKh9K1_nl
 - o Kies Faculty of Theology and Religion en dan die BDiv-opsie.
 - o Sluitingsdatum: 30 Junie 2026
2. Laat weet jou predikant en gemeente dat jy aansoek gedoen het.
3. Stel die HTK in kennis, en stuur 'n e-pos om te bevestig aan:
 - o Dr Hein Delport – hein@nhk.co.za
 - o Clarika Hattingh – clarikah@nhk.co.za



- Klik **hier** indien jy verdere oortuiging van die huidige HTK-studente benodig om in te skryf om Teologie te studeer.

Barmhartigheid

- Klik asseblief **hier** vir meer inligting oor **seniorbehuising en -versorging**.

TRANSORANJE INSTITUUT VIR BUITENGEWONE ONDERWYS

info@toibo.org.za 076 143 6961 www.toibo.org.za

WINTERHART VAN HOOP April tot Julie

Die winter kruip nader en die harde werklikheid is dat **856 kinders** gehelp moet word met warm klere sodat hulle kan skoolgaan.

Jou **kontantdonasie** of skenking van winterskoolklere, skoene, musse, serpe en handskoene kan warm lyfies in die skoolbanke verseker.

ABSA TJEKREKENING 020 840 145
TAKKODE 632005 VERWYSING: WARMLYFIE



Mat 25: 40

Gebed vir die week

Here Jesus,
dankie dat U aan die kruis vir my gesterf het,
dat U die prys betaal het vir alles wat ek verkeerd gedoen het.
Dankie dat U die dood oorwin het
en die pad oopgemaak het na my Vader se ewige huis.
Help my om vandag voluit vir U te leef,
en om u liefde uit te straal na almal rondom my.
Amen.

www.versndag.co.za/index.php/vers-n-dag-dagstukkies-79566/6876-lente-nuwe-lewe-omdat-jesus-leef-8-augustus-2025

